

V 9  
1512



67






QK 215.

46.









AK 215

III, 857

# Erzelung.

Wie der Hochwichtig  
vnd langwirige Religionstreit / Vi-  
ctorini in Thüringen / endlich geschli-  
chtet worden sey / durch die Nitler beschriben /  
Allen liebhabern der Warheit / sehr  
nützlich zulesen.

Zeho vonn newem mit fleis Corri-  
girt / vnd an vilen orten gemehrt  
vnd gebessert.

## Matth. 5.

Wer rede sey JA ja / NEIN nein / Also rhümet  
sich auch Paulus / das seine rede vnd lehre sey JA ja /  
neyn neyn gewesen. Wann man noch so klar von der lehre  
vnd streiten redet / so verstehet doch der gemeine Man  
schwerlich etwas wenig daruon. Derwegen so sind das  
rechte Geber / Nemer / wie sie S. Luther nennet / ja auch  
ware Gottes verachter / vnd vnzelicher ergernussen stift-  
ter / die also in den Religionstreiten vnd handlungen res-  
den oder schreiben / das kein klares / gewisses / vnd bes-  
stendiges JA oder NEIN / darinnen zubefinden ist.

Gott steyre vnd wehre Ihnen gewaltiglich /  
vmb seines lieben Sons willen /

ANNE.

1 5 6 30









# Vorrede Matt. Fla- cij Illyrici.



**V** dem Thüringischen Vertrag des Irturns Vicorini sind fürnehmlich zwey Stück zu merken. Erstlich die zeugnis der warheit/ da er der Verfärer wider seinen eignen willen/ mus dem klaren vnd ihm inn die augenscheinenden liecht weichen. Darnach die arglistige Sophisterey damit er widerumb die warheit/ vñ die einfeltigen Christen zubetriegem sich vntersteht. Dann erstlich in der Erzehlung des Handels/ zeigen klar etlich mehmal an/ die Wirttembergischen Theologen/ das sein Bekandnuß vom Freyen Willen/ so inen vnd andern von J. Durchlauchtigkeit zu Sachsen/ zuurtheilen vber sand worden ist/ dermassen vbel laute oder Klinge/ das sie jr in keinem wege beyfall geben können/ vnd das jr die Heilige Schrifft ganz klar widerspreche.

Zum andern/ so widerholen sie/ vñnd auch Vicorinus selbst ganz klar vnd dürz/ etlich mehmal/ Das der Mensch nach dem Fall gantzlich keine gute macht oder krafft zu den Geistlichen sachen vñnd thaten mehr hab/ ehe ihm Gott solche krafft vnd wirckligkeit widerumb aus sonderlicher gnaden vmb Christus willen schencke vnd gebe/ Welches allein klar vnd gewaltiglich stürzet vnd verdammet seine vorige Lehre/ oder vil mehr schedliche Irturne/ die das widerspil lehren vnd verfechten / wie aus der gedruckten Disputation vnd andern schufften vnd handlungen offentlich erscheinet.



Wann er auch inn der Disputation/da er so offte von Fürstlicher Durchleuchtigkeit gefrage ward/ob Er dem natürlichen/ oder vil mehr allein dem widergeborenen Menschen / vor der geburt oder hernach/ die krafft mit zuwircken/zuschreibe / also geantwort hett/ wie er in volgender narration sich etlich mal erkleret/ so were der streit langst geschlichtet worden/Dann er redet bis weilen klar vnd wol von der sachen/wie aus solcher Erzehlung zusehen sein wirt.

Dergleichen ferrner vnd zum dritten in der Declaration/ ob er wol boshaftiglich vil Sophisterey gebrauchet/seinem Irthumb zum vorteil/ vnd nach seiner alten gewonheit/gar offte das jenige gantzlich umbkehret/was er zuvor gutes gesagt hat/wie wir darnach hören werden. Jedoch so bekennet er etlich mal / Der Mensch hab alle gute krafft/macht vnd vermögen verlorn/ Er habe auch gar keine mehr/ es werde ihm dann allein von newes widerumb von Gott gegeben/welchs geschehe erst in der widergeburt / Vnd solchs desto mehr zubesetigen/bekennet ers in solchem handel vnd vertrag zu mehmalen/ beide schriftlich vnd mündlich/ gegen vielen vnd hohen Personen.

Zum vierdten/in der vnterschrift leidet er / das die Sechsische vnd Wirtembergische Theologen bezeugen/das solche seine Erklerung stimme mit den Fürstlichen ausgegangenen Confutationibus / dehenen er sich hefftig wider gesetzt hatte/ vnd daraus aller diser streit entstanden ist.

Zum fünfften/ Was da belangt die andere seine drey Irthume/da mus er/Gott lob/auch der offentlichen  
war



warheit weichen/ Dann in dem streit von der Definitio-  
on vnterscheidet er/ wie wir stets/ vnd Philippus kurz  
vor seinem tode in Declamatione de Ecclesia lehret/ die  
Generalem vnd Specialem bedeutung dieses worts E-  
uangelion/ vnd gibt zu/ das solche Definition allein inn  
der gemeinen bedeutung / wann das wort Euangelium  
die ganze Lehre bedeutet/ sey recht/ Wann es aber be-  
deute eigentlich nur die verheissunge/ so sey das Euanga-  
gelium nichts mehr dann nur eine Predigt vonn verge-  
bung der Sünden.

Dergleichen auch in den andern zweyen stücken/  
nemlich von der Maioristery vnd Adiaphoristerei/ weil  
er solche Irthumb nit verfechten kan / so saget er/ Sie  
gehen in nicht an/ er habe mit jnen nichts zuthun.

Gehen sie in nicht an / Warumb hat er sie dann  
zuor verdammet/ in dem Jsnachischen vnd Weymaris-  
schen Synodo/ Anno 1556. Item zu Worms im Collo-  
quio? Gehen sie in nit an/ Warumb hat er sie widerum  
wider die Fürstliche Confutation vertheidiget? Was ist  
er aber für ein Christlicher Theologus/ vñ trewer Arie-  
geman Christi/ das in die Wolffe vnd Irthume/ so wi-  
der Christum vnd seine Kirche streiten/ nicht angehen/  
Solche Lehrer heisset die H. Schrifft stumme Hunde/  
vnd vntrewe Niedlinge.

Derwegen so kanst du Christlicher Leser vnd lie-  
ber Bruder inn Christo auch hieraus mercken/ das noch  
GOTT lob/ Victorinus sampt seinen vberwundenen Ir-  
thumen mus der Göttlichen warheit weichen/ es sey im  
lieb oder leid/ Wiewol er gar oft mit sonderlicher listig-  
keit vnd schalckheit alles das vmbkehret/ oder zum we-  
nigsten verwicklet vnd verfinstert/ was er zuor gutes  
gesagt hat.



Dancke derwegen dem lieben Gots / dem Vatter  
aller barmhertzigkeit von hertzen / vnd las dir nicht leid  
sein / das wir ob solchen streiten für die himmlische war-  
heit sehr vil leiden / vnd für die ergsten bösten Buben /  
von der Gotelosen bösen welt geschetzet / gescholten vnd  
geschmecht worden sein / vnd noch immer fort verlestert  
vnd ausgeschryen werden.

Das sey nun gesagt von den Zeichen vnd Merck-  
malen / daraus in diem handel zusehen / das der Liechts-  
flüchtiger Versürer hat der Göttlichen Wahrheit ohne  
danck / vnd wider seinen willen weichen müssen. Nie-  
was aber gleichwol Sophisterey vnd betrug er sich dar-  
neben vnterstanden / die warheit zuverfinstern / vnd sei-  
ne Irthumb zuverhüllen / auch die Pusillos Christi zuver-  
wirren vnd zubetriegem / was auch für grewlicher vnrat  
ergernus vnd schaden daraus sey erfolget / wird hernach  
zum theil aus den Scholijis vnd Text erkande / zum theil  
auch auff dem ende vermeldet. **Jetzt wollen wir**  
den handel / wie sie in selbst beschriben haben / erzelen.

**Erzelung / wie die Wirtenbergischen  
Theologen mit Victorino seines Irthums hal-  
ben / vom Freyen Willen / gehandelt vnd ver-  
handelt haben. Von Ihnen  
selbst gestellet.**

**ALS** Magister Victorinus / durch die Wirtenber-  
gischen Theologen freuntlichen besuchet / vnd  
gegen ihm vermeldet worden / welcher gestalt vnd  
meinung solchs von jnen bescheht / nemlich / dieweil sich  
etliche



etliche Jar her zwischen etlichen der Professorn zu Jena vnd ihm / in Articulo de libero arbitrio ein mißuers- stand vnd streit zugetragen / welcher nit zwischen beyden theilen allein inn der Kirche gebliben / sondern weit vnd breit in vil Land vnd Kirchen / nicht one besondere grosse ergernus ausgebreitet worden.

Solchem zubegegnen / vnd durch Christliche Er- lehrung vnd vergleichung hinzulegen / wehren sie die Wirtenbergischen Theologen / als die geringsten neben andern Theologen / beruffen vnd abgesandt worden.

Vnd wiewol sie dises fals / wie auch in andern / ihr vnuermügen erkenneneten / auch gerne bekenneten / auch nichts liebers gesehen hetten / dann das die Kirch Gottes / diser vnd andern mehr streitigen vnd ergerlichen handlung vnd spaltung vberhaben / vnd zu Christlicher ruge vnd einigkeit gebracht wurde / Besonders aber / weil dise vorstehende Controuersia ein mal vorgefallen / vnd factum / nit infectum gemacht werden könnte / hetten wol leiden mügen / das sie vnd andere vnd aller sachen besser erfarn / zu derselbigen Christlichen vergleichung gezogen vnd erschinen weren / Jedoch weil der Beruff auff sie / als ringfügige / gefallen / hetten sie / wie billich / Gott vnd vnserm G. S. vnd Herrn vnterthenigen vnd Christlichen Gehorsam leisten sollen / Vnd verhoffen zu dem almechtigen / was inen an irer einfalt abgehe / das werde Gott mit seinem Geist vnd gnad reichlich erstatten.

Demnach / das sie ihn besonders ansprechen / wolle er derhalben keine beschwer tragen / sondern vonn ihnen freundlich vnd guter meinung auffnehmen / dieweil es  
nichts



nichts dann ein freumblich/büßberlich/vnd vertrenlich  
Gesprech were/ allein zur förderung der Ehren Gottes/  
vnd erhaltung vnuerfelschter reiner Lehre seines Heili-  
gen worts/vnd zu frid vnd einigkeit der Kirchen/vnd  
also auch ime zu gut/aus Chustlichem gemüt/angestel-  
let/vnd gemeinet/darinnen er on alle gefahr sein gemüt  
croffnet/vnd in seinen worten vngesangen sein sol.

Dessen er sich mit allein freundlich bedanckte/vnd  
höchlich erfreuet worden / sondern alsbald sich auch  
freundlich vnd Chustlich erbotten/dahin sich zuhalten/  
damit die warheit vnuerfelschet vnd vnverdunckelt in  
der Kirchen vnd Schulen erhalten / Chustlicher fride  
vnd einigkeit wider angestellet/die nun etliche Jar her  
mit ohne grosse ergernus vnd anstos viler Chusten/ges-  
trennet gewesen.

**D**rauff ihm durch die Wirtembergischen Theolo-  
gen vorgehalten/wie er vor diser zeit ein Confes-  
sion De libero Arbitrio gestellet / so neben andern  
Theologen auch inen / nach ihrer einfale zu Judiciren/  
vbergeben/in welcher aber sie allerley ambigua vnd ob-  
scura vocabula befunden/so nicht auff einem gewissen/  
sondern zweyerley vngleichen vnd widerwertigen ver-  
stand gezogen werden möchten/Als da sein: Nostra na-  
tura non dissimilis est viatori á latronibus spoliato & fau-  
ciato. Item de voluntate humana vel assentiente vel repug-  
nante. Item, Aliquomodo volens.

Vmb welcher willen sie bemelte Confession bis-  
anhero nicht leichtlich/one vorgehende vnd beschehene  
Declaration billigen/ vor Chustlich vnd recht zuerken-  
nen wissen. Bitten derhalben/er wolle ire einfeltige mei-  
nung anzuhören vnbeschweret sein.

Darges



Dargegen vnd hinwiderumb wollen sie auch seine Declaration/wie sich gebüret/eynnemen/ vnd so sie mit ihrer meinung nit einig würde/sich darauff miteinander freundlich / Christlich vnd brüderlich / sine omni acerbitate et sophistica besprechen/ ob durch GOTTES gnade die warheit erleutert/ vnd zu beiden theilen gegeneinander erklerert vnd verglichen/ vnd Christlicher frid vnd einigkeit/ beides inn der Schulen vnd Kirchen widerumb möchte getroffen werden.

Vnd damit sie von beiden theilen nit weite vmb-  
schweiff brauchen/wolten sie alles / so nichts besonders zur sache dienstlich/dismals abschneiden/vnd vmbgehen / so weitleufftig in der vorigen Disputation verzeichnet/vnd allein auff den statum controversie sehen / als dann werden auch leichtlich die andern von im in diesem Artikel gebrauchte Vocabula erleutert vnd erklet werden mögen.

Denn sie konten im nit verhalten/ wie er gemelte Vocabula vnd Phrases gebrauchet / das vil vnter den ihren vermeinet/ als solte er noch etwas krafft vnd Wirkung/ des verderbten Menschen willen in der bekerung zuschreiben/ die nach dem sal Ade vnd Lue vnser ersten Eltern vberbliben/ welche mit der krafft Gottes des H. Geists in der widergeburt mitwürckete.

Freilich/also hat gelautet seine Bekandnus/also hat Ihn auch jederman verstanden/ das ist auch seine meinung im grund gewesen/das ist auch seine meinung noch heutiges tags/Er mag sich krümmen vnd deuteln wie er wil/wie die alte Schlange / oder wie sich seine gelegenheit schicket.

Wo nun solchs seine meinung were/hette er zu  
achten/vnd sich aus den klaren Sprüchen der Heiligen  
Schrifte



Schriſt zu berichten/wie ſie ſhne in ſolchem fall keinen  
beyfal thun könten/ Weil die Heilig Göttlich Schriſt  
gantz klar vnd lauter zeuget / Der Menſch ſey durch die  
Sünde dermaſſen verderbet/ das er aus ihm ſelbeſt nicht  
tüchtig ſey etwas guts zugeedencken/ich geſchweige etw  
was in oder neben der Krafft Gottes/zuvor vnd ehe der  
Menſch newgeborn wirt/mitzuwircken/Darüber ſol er  
inen ein klaren/kurtzen/vnd richtigen bericht thun/wel  
cher zu entſcheidung des handels gantz dienſtlich / an  
dem auch vnſers erachtens der ganze ſtreit gelegen.

Merck lieber Chriſt / das die Confesſio Victorini  
gantz vnd lauter wider die H. Schriſt ſtreitet.

Darauff Victorinus geantworret/ Er lieſſe es im  
freundlich wolgefallen/das ſie nach der hauptſache vnd  
hauptſtreit fragen/vñ vberflüſſige fragen abſchneiden/  
Dann da ſie beider ſeits in der hauptſachen einander ver  
ſtünden/möchten alsdann vilermelte vñnd verdeckte  
Vocabula / vñnd was andere neben fragen mehr ſeind/  
leichtlich entſchiden / vnd zu Chriſtlichem verſtand ge  
bracht werden.

Derhalben wolt er inen auffo kurtzeſt vnd einfelt  
geſt vom ſtatu cauſe / daran alle ſachen gelegen / ſeine  
meinung/ als gut ers jimmer köndte/anzeigen/ damit ſie  
in eigentlich vñ wol verſtünden/vnd were nemlich diſe.

Verteuſcht aus dem Lateiniſchen:

**I**ch hab in dem ſtreit vnd handel vom Freyen Wil  
len mit fleiſch vñndterſchiden / zwifchen der macht  
oder Krafft des H. Geiſts/vñnd zwifchen der weiſe  
zuwircken / welche/ auff das ihrs deſto beſſer verſtehen  
müge/ ſo wil ich am erſten kurtzlich etwas von der Erb  
Sünde handeln.

Den



Denn diese zwen Loci vnd Artikel seind sehr nahe einer dem andern verwand/ vnd kan nit von den krefften des menschlichen willens etwas gewisses gesetzt oder geredet werden/ es sey dann zuuor die Lehre von der Erbsünde gefasset.

Derwegen so ist die Erbsünde ein grewliche verderbung vñ verkerung aller guten macht/ in allen krefften der Seelen/ in der vernunft/ in dem willen/ vnd im hertzen. In der vernunft oder verstand ist das Götliche liecht/ nemlich die ware erkendnus Götlichen wesens vnd willens verlor/ Vnd diese Finsternus gebirt scheutzliche zweifel von Gott/ von seiner vorsichtigkeit von der verheissung/ von seinen drohungen. Ferner/ der menschliche wille hat sich nit allein weggekehret von Gott/ an dem er allein hette hangen sollen/ sondern hat sich noch darzu gekehret zu allem bösen / als zu verachtung Gottes.

Endlich im hertzen ist ein vilfeltige wüste der begirten vnd affecten/ lust zur rache/ verkehrete barmhertzigkeit/ das an stat der forcht Gottes/ sey ein verachtung Gottes/ An stat der liebe Gottes/ sey eine eigne liebe/ An stat der zuuersicht zu Got/ sey ein vertrauen auff menschliche kreffte.

Dis ist meine meinung oder Glauben von der Erbsünde/ vñ verderbung menschlicher natur/ die da jammerslich vnd grewlich verderbt vnd verkeret ist/ Mit solcher meinung/ wie ich verhoff/ wird jederman zufriden sein.

Vun wollen wir fort zu dem handel vom Freyen willen and menschlichen krefften rucken/ Sage derhalbten widerumb/ das ich stets vnterschieden hab/ zwischen den zweien dingen/ nemlich zwischen der Efficacia oder krafft des h. Geists/ vnd zwischen der weise zuwircken in der bekehrung des menschen.

B ij

Von



9  
Von der krafft oder macht des h. Geistes / sage  
ich / das ich dem vnwidergebomen Menschen für der be-  
kehrung oder widergeburt / vnd nach dem fall / gar keine  
krafft / macht vnd vermögen oder würckligkeit / oder ir-  
gen d. einen guten funcken / der in dem Menschen heim-  
lich stecken solte / zumisse oder gebe / damit er sich köndte  
schicken / bereiten oder befehlen zu der gnad des heiligen  
Geistes / Dann der menschliche wille ist durch die sünde  
so gar verderbet / das er nit allein weck von Gott vnd ab-  
gekehret / sondern auch noch darzu zu allem bösen zuges-  
keret ist / Wie dann geschriben stehet / Das fleischlich ge-  
sinnet eine feindschafft wider Gott sey.

Derwegen so messe vnd gebe ich allein Gott dem  
Vater / Son / vnd h. Geist / ALLE macht / krafft / ver-  
mögen oder würckligkeit / oder wie man immer mit dem  
besten vnd gewaltigsten wort solche sache bedeuten oder  
ausreden kan / Welcher GOTT vns durch sein wort / es  
werde gehört oder gelesen / zu sich ziehet / Aber dem vn-  
widergebomen Menschen / messe oder schreibe ich keine  
gute macht oder krafft zu / auff das jr mich ja wolverstes-  
het / dann ich wil nichts verbergen.

Durch die rede aber / Die weise zuwircken / so ich  
habe von meinen Preceptoribus gelernet / vnd die bisher  
in der erklerung des Freien willens gebraucht / hab ich  
nichts anders bedeuten wollen / Dann die vnterscheid  
zwischen der menschlichen Natur vnd andern Creatu-  
ren / Dann in dem Menschen bleibt noch die vernünfft-  
tige Seele nach dem wesen / Es bleibt auch der wille /  
der in einem Stein oder Klotz nit ist.

Damit aber nit jemand meine / das ich alhier et-  
was verberge / so wil ich euch nit der Griechischen oder  
Lateinischen / sonder ewer eigen Kirchen erklerung di-  
ser meinung vorhalten.

Ich



Ich wil durch die wort oder rede / die weise zuwir-  
cken in dem willen / eben das jenige bedeuten / das jr Wir-  
tenberger in ewrer Bekantnus vnd Apologia / durch das  
wort Aptitudo / Tüchtigkeit / bedeutet / oder was Nazia-  
nenus hat bedeuten wollen / durch das wort  $\delta' \epsilon \kappa \tau \omicron \mu$  /  
Capax pfehg. Darauff erzelet er die lateinische wort  
der Wirtenbergischen Apologia nach der lenge / Vnd  
darnach saget er weiter / Mit welchen Worten oder re-  
den ich gleichwol keine krafft oder vermügen der natur  
vnd willen des vnwidergeborenen Menschen wil zumesse-  
sen / das sie noch im Menschen stecken / Sondern ich sag  
mit der Orthodoxa oder rechtglaubigen Kirchen / das  
in dem Menschen nach dem fall noch vberbliben sey der  
Wille der vernünfftigen Seele / welcher vor der Wider-  
geburt ein gfangner knecht ist des Satans / in welchem  
Gott gleichwol anders handelt dann inn einem Klotz /  
welcher solcher weise zuwircken seiner Natur halben /  
nicht pfehg ist / oder / das ich auff ewre weise rede / solche  
tüchtigkeit vnd pfehigkeit nit hat / dann in jm kein wil-  
le ist.

Dis ist stets meine meinung gewesen / vñ ist's noch  
vom Freyen Willen / ob ich gleich etliche rede gebraucht  
die den andern misgefallen haben.

Mit allein vns haben sie misgefallen / sondern auch  
andern Christlichen Lerern / wie dir hart zuuor ans Ans-  
gesicht / von den Wirtenbergischen Theologen gesagt  
worden ist.

Daraus ihr vernemet / das ich gar kein krafft oder  
würckligkeit zuschreibe / dem vnwidergeborenen Men-  
schen / in geistlichen sachen / zu der bekerung vnd wider-  
geburt / sondern / das ich alles zumesse Gott allein / der  
vns ziehet / vnd wircket inn vns das wollen / gedencen /  
vnd volbringen / auff das erfüllet werde das da geschri-  
ben ist / Was hastu Mensch das du nit empfangen hast:



So du es aber empfangen hast/ Was rühmest du dich daß  
gleich als du es nit empfangen hettest.

So euch nu diese meinung gefelt/ wil ich nit von  
den worten streiten/ oder ein wortkrieg erregen / daß ich  
habe stets die wortgezend gehasset/ wil auch nit sorgen  
für die wort/ Frey Will/ Synergia/ / oder mitwirkung/  
oder weise zuwirken/ pfehigkeit/ nur das die sach recht  
vernommen werde/ welche ich mit worten nit verdu  
ckeln wil/ so vil ich immer kan/ erklere.

Warumb hastu zuvor ein Wortgezend angericht?  
dann du bekennest ja/ das du keine macht dem menschen  
zuschreibest/ hettest aber gleichwol etlicher wort gebrau  
chet/ die dem andern teil misfallen haben/ Ergo/ so hastu  
ein wortkrieg erregt.

Was aber belanget die wort meiner Bekantnuß/  
die ich vor ein jar geschriben hab / als nemlich von dem  
verwundten auff dem weg gen Jericho/ vnd von dem  
menschlichen willen/ der dem wort Gottes beyselt/ Da  
bitt ich/ jr wollet sie mir nicht deuten wider meine meis  
nung vnd sinne/ die ich euch jetzt nach der leng erklere.

Sie die Wirtebergische vnd andere alle deuten deis  
ne wort/ wie sie natürlich lauten.

Dann ich habe solche wort nit erst erdacht/ sonder  
sie von meinen Preceptoren gelernet/ welchen ich bisher  
im reden vnd schreiben nachgefolget hab.

Nun bekennest du recht/ dann eben dieselbige deine  
Preceptores sein ja offenbare Synergisten gewesen/ als  
die da geleret mit den Papisten/ quod liberū arbitrium  
sic facultas se applicadi ad gratiā. Vnd das der Freye wil  
le mitwircke in der bekehrung. Denen hastu nit allein in  
worten/ sondern auch in der meinung mit hefftigem kas  
mpff vnd verdammung S. Luthers/ vnd vnser/ so Ihm  
nachfolgen/ bis auff den heurigen tage gefolget / Dar  
umb

umb



umb so verrathestu dich selbst/ das du ein Synergist gewesen bist/wie auch damit/das du zu jnen geflohen/oder abgefallen bist.

Hie klaget er auch / das wenig wort vorhanden sind/damit man solche schwere sachen erklären kondte. So man nu. saget er weiter/ von der Summa oder haupt des ganzen handels eins kondte werden/so wolt ichs zu dem Vreheil der gelehrten vnd Gottseligen stellen/welcher wörter oder rede man inn diesem handel gebrauchen solte/auff das nur die sache möchte auffs deutlichste dar gegeben werden.

Das were wol billich/Warumb hastu aber von anfang anders gehandelt/wie du selbs bekennest? Das folgend ist reutsch von jnen beschriben.

Als sie solches von jme verstanden/vnd derhalben nach aller notturfft mit jme geredet vnd gehandelt/vñ dermassen seine meinung eingenomen/ das sie in die erklärung seiner meinung einigen zweifel nit setzen konnten/seind sie höchlich erfreuet worden/ Ja auch auff sein embsiges begeren/das/wenn sie diese Erklärung für Christlich hielten/sie jren Glauben vnd Bekandnus jme nit verhalten solten/vnd demnach gegen jm vermeldet/wie folget.

Wann dis seine beständige meinung were/wie sie von jm nach der lenge verstanden/ Nemlich/das Erem verderbten willen des Menschen/inn der bekerung nit einige krafft oder würckung/sondern alle krafft vnd würckung allein Got zuschube/der alle gute gedanken/alles gutes wöllen/glauben vnd volbringen wircke/ So were jnen gnugsam geschehen/vnd wisten an diser seiner Erklärung niches zu straffen/ Sie hetten aber zu vor vnd ehe diese Declaration von jme geschehen/sein gemüt so eigentlich aus der obgedachten/vnd von jm gestelten Confession nit vernemen können/ als/Gotte lob/jzo beschehen.

Dans



Dancken demnach dem allmechtigen Gott / vnd  
Vater vnser Herrn Jesu Christi / welcher die gnade sei-  
nes h. heiligen Geists zu diser brüderlichen vnd freunds-  
lichen vnterredung verlihen vnd mitgeteilet / Vnd ver-  
hofften demnach / es solte zu diser Tractation nit allein  
ein seliger anfang gemachet / sondern auch das erwun-  
schte ende erreicht werden. Darzu Gott väterlich seine  
gnade verleihen wolle. Sind also denselbigen abend  
freundlich von jme geschiden.

Den 5. Maij vmb 6. Vhr / haben sich die Wirtens-  
bergische abgesandte Theologen / widerumb zum Herrn  
Victorino verfüget / vnd jm abermals vorgehalten / wel-  
cher massen sie vergangnen tages verstanden / vnd seine  
meinung De libero arbitrio eingenomen hetten / dieselbi-  
ge / wie oben verzeichnet / kurtzlich repetire / welches der  
ursach geschehen / das im fall D. Victorinus einig beden-  
cken darinne hette / als das sie in nit eigentlich / vnd nit  
gnugsam verstanden / bessern bericht einnehmen / vnd  
nachmals desto getröster vnd fürderlicher in der sachen  
handeln möchten / hat er vil ermeldte Confession unge-  
ferlich mit seinen vorigen worten erholet vnd erkleret /  
Derhalben sie bestendiglich / was zur beforderung der  
ehre Gottes / vnd erhaltung reiner Göttlicher Lehre /  
auch zu Christlichem fride vnd einigkeit dienstlich / ge-  
trost vnd one mistrewe handeln möchten.

Sie wort sind gut / sprach jener:

Darauff sie in forder angesprochen / vnd erinnert /  
das dise sache nit mehr allein sein Person angehe / sonder  
die Kirche Gottes belangen thu / in welcher solche strei-  
tige handlung / nit allein in disem / sondern auch andern  
Landen ausgebreitet worden.

Dre



Derhalben solle derselbigen dieser beschwerlichen  
ergernus abgeholfen werden / frid vnd einigkeit / beides  
in der Kirchen vnd Schulen widerumb angestellt wer-  
den / so wolle die höchste notturfft derselbigen erfodern /  
das dise Christliche Erklärung vnnnd dergleichen / in vil  
gemeldten Articeln De libero arbitrio nicht heimlich /  
oder zwischen vns allein gehalten / sondern auch offen-  
bar gemacht werden / auff das die betrübe vnd geerger-  
te Kirche des rechten gründlichen vnnnd warhafftigen  
verstands hieruon gnugsam vnterrichtet.

Freyllich ist's war / das dieses eine gemeine sache der  
gantzen Kirchen Gottes ist / vñ das die höchste notturfft  
der Kirchen vnd Christen erfodere / das in öffentlichem  
Druck allen Christen angezeigt wurde / das nun mehr  
Victorinus seine Synergiam oder Pelagianismum vers-  
damme. Warumb ist dann solches vnterlassen / vnd  
heimlich durch eine Amnistiam oder stillschweigen vnter-  
drückt? O wehe vnd aber wehe denen / so solcher gewo-  
licher Sünden / Ergernussen vnnnd Amnistien / vrsacher  
oder nur fürderer sein / Ja die es nur nicht nach ihrer bes-  
sten macht hindern / vnd wehren.

Dardurch dann nit allein der widerwill vnd ge-  
zenck / vnd vilen Kirchendienern vnd Vnterthanen inn-  
eyn gestellt / vnd künfftiglich verhutet / sonder auch seine  
Christliche Erklärung wider die Calumnias / so ime son-  
sten begegnen möchten / Ihme zu gute offenbar gemas-  
chet wurden.

Es dienen dem alten Adam seine schande zube-  
decken die Feigenbleter der Amnistia mehr / dan ein flares  
Peccau & malum coram te feci, tibi gloria ac iustitia,  
mihi confusio faciei, vnd ein klar Ja Ja / Nein Nein.

C

Deffen



Dessen er denn keine schew getragen / sonder sich vernemen lassen / das er solches wol leiden müge / auch sich / was er für sein Person darzu behüflich sein könne / das die Kirche Gottes wider zu Christlichem fruchtbringende gebracht werden müge / gutwilliglich erboten.

Warumb hat man dann den handel / oder verdammung des freyen willens nicht publicirt? Ex ore tuos / aus deinem Mund richte ich dich du Schalcksknecht.

Solches alles haben nachmals die Wirtenbergischen Theologen / dem Herrn Cantzler / sampt den andern versamleten Räten vnd Theologen / vngesehrlich wie es hie verzeichnet worden / referiret.

Darauff alsbald Victorinus fürgefördert / vnd was mit im in vilgedachten freundlichen Gespräch gehandelt / auch welcher gestalt er sich des Artickels habend De libero arbitrio erkläret / abermals durch die Wirtenbergischen Theologen in seiner gegenwertigkeit repetirt worden.

Vnd als er durch den Herrn Cantzler angerebet / ob er auch etwas fehl oder mangel an der beschriebnen Relation hette / das möcht er anzeigen / hat er nicht allein ime dieselbigen wolgefallen lassen / vñ bekandt / das gehörter massen mit im gehandelt / vnd er sich in diesem Artickel erkläret / wie durch die Wirtenbergischen Theologen referiret worden / Sondern zur bestetigung vnd mehrer versicherung solche seine Confession De libero arbitrio widerumb erholet / vnd mit obgezelten ausdrücklichen klaren Worten angezeigt / auch mit zeugnis der h. Schrifft bestetigt / Quod in voluntate hominis non renati nulla sit vis seu efficacia ad bonum &c.

Ware



Warumb hast du dann zuuor klar das Widerspiel  
De tribus causis concurrentibus in conuersione gele-  
ret/ vnd das der Mensch könne zu der verheissung ein  
Zawort sprechen/vnd in dieselbige willigen?

Also/vnd nicht anders habe er allwege in seinem  
Hertzen geglaubt vnd gehalten / ob er gleich eteliche  
Phrases oder rede gebrauchet/ vor welchen andere ein  
abschew gehabt.

Ein abschew/ Ach Got stewre vnd wehre der Gote  
losen Sophisterey. Hastu zuuor recht im hertzen geglau-  
bet wider alle Synergiam/Warumb hastu nit auch recht  
mit dem Munde geredet? Warumb hastu vns vnd die  
Fürstliche Confutationes so hefftig vnd grimig verdam-  
met / vnd vns als Architectos noue Theologie ausge-  
ruffen.

Als auch ermelter Victorinus an die Wirtenber-  
gischen Theologen begeret/ sie solten vor den versamle-  
ten Cantzler/Rhäten/vnd Theologis/ihm anzuzeigen  
vnbeschweret sein/ob sie inn seiner jüngst mündelichen  
geschehner/vnd zum dritten mal widerholter Declara-  
tion einigen fehl oder mangel hetten.

Darauff die Wirtenbergischen Theologen/ als  
inen durch den Herrn Cantzler zuantworten vergönnet/  
geantwortet/ Wo er auff dieser zeit zum dritten mal be-  
schehener Declaration/bestendig verharret / wolten sie  
im nit allein vor diser gegenwertigen versammlung/Son-  
dern auch vor vnserm Herrn Christo/ vor welches ange-  
sicht vnd augen solchs alles gehandelt/ zeugnis geben/  
das sie/so weit ir verstand ausweiset/ nichts wissen das  
rinn / als vnrechts/ oder Heiliger Göttlicher Schriffe  
zuwider/zustraffen/ Vnd verhofften demnach/weil nu  
durch dise Declaration wir zu beiden theilen in fundam-  
mento einig/es solte durch Gottes gnad leichtlich eine  
Christliche einigkeit getroffen werden.



Darauff sich Victorinus/der mit ime freumblicher  
vnd brüderlicher gepflogener vnderhandlung halben/  
freundlich bedanckte/mit angehencktem vermelden/ wo  
gleicher gestalt durch seine widerwertige / so mit im di-  
ses Artickels halben streitig gewest/ gehandelt worden/  
Es solte die handlung in solche grosse weiterung niche  
geraten sein.

Gott stewre vnnnd wehre der Gottlosen Sophistes-  
rey. Wer hat dich gezwungen die Adiaphoristische rede  
vnd Irthumb von der Pelagianischen Synergia zuuers-  
theidigen? Wer hat dich gezwungen die Fürstliche Con-  
sutationes/Lutherum / vnd vns seine Discipel/in diesem  
Artickel zuuerdammen? Wer hat dich gezwungen vns  
als architectos noue Theologie auszuschreyen? welches  
du vnzelich offtmal zu Jhena in der Schule gethan hast/  
Das arme Schaffe hat dem frommen Wolffe das Was-  
ser betrübet.

Darauff nun durch die Wirtenbergischen Theo-  
logen geantwortet worden/Er wolle die gepflogne han-  
dlung freundlich vnnnd guter meinung auffnehmen / die  
aus Christlichem brüderlichem hertzen der betrübten Kir-  
chen vnd ihme zu gute vorgenommen/Vnd ob sich gleich  
was streit vnd widerwill vor der zeit derhalben zugetra-  
gen/so wisse er sich doch hergegen zuerinnern / das auch  
vnter den Aposteln ein Paroxismus oder streit enestan-  
den / Vnd zweifelten nicht/ der Herz sol alle ding/ auch  
das an im selbst böse ist/wol vnd zu seiner Kirchen nutz  
vnd wolffart gebrauchen/ Der werde auch seiner/ dersel-  
bigen zu gut ein Christlich nutzlich/ gut vnd erwünschte  
ende an diesem langwirigen streit vnnnd  
spaltung machen/  
Amen

Die



**Die Bekandnus Vi-**  
**ctorini/ von den streitigen Puncten/**  
**so etlichen Schulen vnd Hochgelehr-**  
**ten/ one einige Schrifft seines Widerparts/**  
**urteils halben vberschickt wor-**  
**den ist.**

**Vom Freyen Willen/oder Men-**  
**schlichen freyten.**

**I**ch erkenne vnd beklage von her-  
**zen / die innerliche verderbung vnserer**  
**Sündlichen Natur/ inn welcher wir nach dem**  
**Fall Ade vnd Eue empfangen vnd geboren wer-**  
**den / vnd verdamme die lesterung Pelagii/ wel-**  
**cher den Freyen Willen also gerhümet hat/ das**  
**dadurch die Lehre von der Erbsünde/ vnd von**  
**der gnad Gottes greulich ist verfelscht wordē.**

ii. Ich erkenne auch vnd preise mit danck-  
**barem Herzen/ die nötige vnd heilsame woltha-**  
**ten/ welche Gott der Herz vmb seines geliebten**  
**Sons vnseres Herrn Jesu Christi willen/ durch**  
**in vñ den heiligen Geiſt vns armen Sündern/**

G iij

als



als den beraubten vnd verwundten/aus grosser  
vnaussprechlicher gnade/reichlich vnd veterlich  
mittheilet.

iii. Bekenne derhalben von hertzen/ vñ mit  
dem Munde/das der Mensch aus natürlichen  
kressen one den Son Gottes/ der vnser Wun-  
den heilet durchs Euangelion/vnd gibt vns den  
h. Geist/nit könne anfahen/ ware vñ hertzliche  
bekerung zu Gott/Wie geschriben steht in der  
Epistel an die Ebreer/ Lasset vns lauffen/durch  
gedult in den kampff/ der vns verordnet ist/vnd  
auffsehen auff Ihesum Christum/ den anfenger  
vnd vollender des Glaubens.

iiii. Biewol es aber war ist/das der Son  
Gottes saget/One mich können jr nichts thun/  
So wircket Er doch nit also in vns/das Er den  
Menschen vntwissentlich vñ wider seinen willen  
zwinget/sondern neiget ihn zum gehorsam/vnd  
ziehet in also/das sein verstand vnd wille folget  
(Merck / des fleisches oder alten Adams wille  
folget gar gerne Gott) Dann so lang der wille  
ganz vnd gar widerstrebet/ kan die bekerung zu  
Gott nicht geschehen.

v. Demnach sein zur Bekerung dise drey  
ding nötig/der h. Geist/welcher die hertzen be-  
weget/durch das Göttliche wort/vnd das wort  
Gott.



Gottes / so es fleissig betrachtet wirdt / im hören  
oder lesen / vñnd der wille des Menschen (nit der  
wille des Menschen / sondern der von Gott ge-  
gebne wille) welcher inn forcht vñnd zittern das  
Göttliche wort annimpt / vñnd zugleich hülff su-  
chet bey dem son Gottes / der da spricht / Kompt  
her zu mir / alle die ir müheselig vñnd beladen seit /  
ich wil euch erquickē / ꝛc. Da hastu die Syner-  
giam oder mitwirkung gar / der Menschliche  
Wille thu es.

vj. Dese meinung bestetigen vil Sprüche  
der h. Schrift (die angezogne Sprüche sind  
wider dich) Johan. vi. Das ist Gottes werck /  
das Ir an den glaubet / den er gesand hat.

Rom. i. Das Euangelium ist ein krafft  
Gottes / die da selig machet alle die daran glau-  
ben.

Roman. x. Der Glaub kompt aus der  
Predigt / das Predigē aber aus dem wort Got-  
tes. Item / Er ist aller zumal ein h. Erz / reich  
vber alle die Ihn anruffen.

Luce viii. Sehet darauff wie Ir zuhöret.  
Ebr. iiii. Das wort der Prediger hülff Ime nit /  
da Im nit glaubeten die so es höreten.

Apoc:



Apoc. iij. So sey nu fleissig vnd thu Busse/  
Sihe ich stehe für der thür vnd klopfte an / So  
jemand meine stümme hören wirt / vnd die thür  
auffthun / zu dem werde ich eyngelien / vnd das  
Abendmal mit im halten / vnd er mit mir.

Luc. ij. Vil mehr wird der vater im Himmel  
den Heiligen Geist geben denen die ihn bitten.  
Marc. ix. Ich glaube lieber Herz / hilff meinem  
vnglauben. i. Thess. ij. Darumb auch wir ohne  
vnterlaß Gott dancken / das ir / da ir empfinget  
vonn vns das wort Göttlicher Predigt / namet  
irs auff / nicht als Menschen wort / Sondern  
(wie es dann warhafftig ist) als Gottes wort /  
welcher auch wircket in euch die ir glaubet. Ja-  
cobi i. Er hat vns gezeuget nach seinem willen /  
durch das wort der warheit / auff das wir we-  
ren Erstlinge seiner Creaturen / Darumb so le-  
get ab alle vnsauberkeit vnd bosheit / vnd nemet  
das wort an mit sanfftmüt / das in euch gepfla-  
nzet ist / welches euch kan selig machen.

vij. Wiewol aber von diesem handel offte  
grosse streit fürgefallen sind / So halte ich doch  
dafür / das obangezeigte meinung gleichförmig  
sey / den Prophetischen vnd Apostolischen schri-  
fften / der Augspurgischen Confession / vnd der  
alten heiligen Nenner Schrifften.

Von



## Von der beschreibung des Euangelij.

**S**leich wie der Göttliche Eid/ So war als  
ich lebe/spricht der Herz/ Ich hab keinen ge  
fallen an dem tod des Sünders / sonder das er  
sich bekere von seinem wesen/ vnd lebe/zusamen  
fasset/die bekerung vnd das leben. Also auch da  
der Herz Christus das Euangelium beschreibt/  
fasset Er zusammen Buß vnd vergebung der  
Sünden.

ii. Dises Spruchs einseitige meinung/ ist  
in der Apologia der Augspurgischen Confes si-  
on also erkleret/ Das inn der Predigt von der  
Buß oder bekehrung zu Gott/welche begreiffet/  
Kerwe/Glauben/vnd angefangnen gehorsam/  
nicht allein das Gesetz sol getriben vnd gelehret  
werden / sondern das zugleich auch das Euan-  
gelium vorgetragen werde von dem Glauben/  
der da vmb Christi willen vergebung der Sün-  
den empfehlet/welchs wolthat nicht kan von ge-  
genwertiger bekehrung geschnitten werden.

iii. Wie nun die Antinomier oder Gesetz-  
feind/billich von jederman verdammet werden/  
weil sie das Gesetz vnn der Bußpredigt aus-  
schliessen/ Also wer den Herrn Christum/vnd  
den Glauben von der Bußpredigt ausschliesset

D sol



sol in der Kirchen Gottes nicht gehört werden/  
Sintemal Keine one Glauben nur ein anfang  
der Bekehrung ist/oder halbe Buß / wie D. Lu-  
ther schreibet.

iiii. Denn Gottes Gesetz übet nicht allein  
sein Ampt in der Kirche / das es die sünd straf-  
set/vnd die Gewissen erschrecket/ Sonder es ist  
auch eine richtschnur des neuen gehorsams/ in  
dem das er lehret/welche werck vñ dienste Got  
angenen vnd gefellig sind/ Wer nu dise Empter  
dem Gesetz nit zuschreibet/ der beraubet die Kir-  
che des andern theils Göttlicher Lehre.

v. Wie aber des Euangelij oder verheißung  
von Christo vornemstes Ampt ist/trösten die er-  
schrocknen gewissen/vnd den heilsamen Balsam  
in die Wunden des Herzens giessen/das ist/ver-  
kündigen die Absolution/Vom Gesetz/Zorn wi-  
der die Sünde / vnd hernach den neuen gehor-  
sam also regiren/ das wir wissen/ wie solcher so  
in mancherley ver hinderungen könne angefan-  
gen werden/vnd wie er GOTT gefalle/weil Er  
noch vnvolkomen ist/ So ist doch das vnlaug-  
bar / das durchs Euangelium der H. Geist die  
Welt straffet / nit vmb der andern Sünde wil-  
len/so vom Gesetz gestrafft werden / sonder vmb  
der sünde willen/ das sie an den Son Gottes  
nit



mit glauben / wie Johan. xvi. geschriben ist / vnd  
im andern Psalm / Küßet den Son / das er nit  
zürne / vnd ihr auff dem wege vnkomet (Merck  
jetzt saget Er / das sey des Gesetzes ampt)

vi. Aus diser einfaltigen Erklerung ist of-  
fenbar / das ich nit suche newe spitzige Dispu-  
tationes / noch vermischung beider Lehre / des  
Gesetzes vnd Euangelij / sondern das ich einer  
jeglichen Vere one Sophistereyen / seinen gebür-  
lichen vnd ordentlichen ort / in der Bus Predigt  
zueigne.

vii. Es treibet mich auch keine leichtfertig-  
keit / fürwitz oder fürsezliche halsstarrigkeit da-  
zu / das ich im beschreibung des Euangelij mel-  
dung thu der Busz oder Bekerung / Sonder es  
beweget mich die Authoretet des sons Gottes /  
welcher als ein weiser Meister nit vmbsonst vñ  
vergeblich / sondern mit wolbedachtem rath dise  
zwey stück zusammen fasset / Nemlich Busz oder  
Bekehrung vnd vergebung der Sünden (Jetzt  
sagt Er dagegen / es sey diser streit  
vom Euangelio ein wortgezennck

λογομαχία.



## Von der Rede/ Gute werck sind nö- tig zur Seligkeit.

**I**ch hab durch Gottes gnaden nie anders  
geleret/ Dann das die Propositiones war  
sein/ vnd können durch keine Sophisterey umb-  
gestossen werden. Der newe gehorsam ist nach  
der versünung nötig. Den newen gehorsam ist  
man schuldig.

ij. Dann dises ist die ewige vntwandelbare  
ordnung/ das die vernünfftige Creatur sey vn-  
terthan dem Schöpffer. Item/ weil der Son  
Gottes komen ist/ das er zubreche die werck des  
Teuffels/ nit das er stercke den mutwill fort zu-  
faren/ in Sünden vnd lastern. Es ist auch dar-  
umb nötig/ dan wo der H. Geist ist/ da herrschet  
die Sünde nicht/ sondern der H. Geist/ laut des  
Spruchs/ Wo jr durch den Geist des fleisches  
geschafft tödtet/ so werdet jr leben.

iii Ich hab die weise zureden nit gebraucht/  
wil sie auch nachmals nit vertheidigen/ Gute  
werck sind nötig zu Seligkeit/ sintemal sie ver-  
standen wirt / von dem verdienst der ewigen  
Seligkeit.

Von



## Von den Adiaphoris.

**E**s wissen vil ehrlicher Leute/das ich weder das Interim angenommen/ noch einige handlung approbirt habe/ Die Gottes wort/vnnd der Augspurgischen Confession zuwider ist.

ii. Es ist aber ein grosser vnterscheid zwischen gemeinen reden/ darinne vnfertige händel gestrafft werden/vnnd anflag / in welchen lebendigen oder todten Personē schuld gegeben wirt/ das sie sein abgewichē von der Augspurgischen Confession/vnnd haben die Christliche Lehr verfälschet/vnnd die Papistische greuel widerumb auffgerichtet.

lii. Wie ich mich nun nicht frembder Leute Sünde sol theilhaftig machen/ mit entschuldigen dessen/so nit recht gethan ist/ Also gebüret mir nit zu vrtheilen von andern ratschlegen vñ handlungen/ Sondern zu folgen der Regel S. Pauli/ Ein ieglicher prüfe sein selbst werck/vnnd alsdann wird er an ihm selber rhum haben/vnnd nit an einem andern.

liij. Vnd da ich mich gleich vnterstünde diesen oder andern Personen/das auffzulegen/davon kurz zuvor meldung geschehen / so würde es mir doch mangeln/ an starcken vnnd gründlichen

D liij

chen



chen beweisungen / welche in solcher anflag fle-  
rer / Dann das Recht im Nictag sein müssen.

DE ACADEMICA EPOCHA.

**S**leich wie die Gerechtigkeit nit allein thut  
was recht ist / Sonder auch das vnrecht  
straffet / Also gefellet Gott ohne zweifel wol die  
Bekandnus der waren Lehr / sampt angeheffter  
Confutation aller Abgötterey / vnd lesterung  
Gottes / wie das Exempel des bekehrten Sche-  
chers anzeigt / welcher auch ein herliche Be-  
kandnus thet vom Messia / vnd zugleich den  
Lesterer straffet.

ii. **E**s gehöret aber zu diser Ritter schaffe  
nit allein ein grosser mut / sondern auch beschei-  
denheit / von welcher S. Petrus saget / Bewei-  
set in ewrem Glauben tugend / vnd in der tu-  
gend bescheidenheit / Dann die Kirche S. Dites  
eylet nicht zur straffe / vnd brauchet nicht wider  
alle Kranckheit die eusserste Arzney / nemlich  
den Bann / sondern machet einen vnterscheid  
zwischen Abgötterey vnd lesterung / vnd etli-  
chen vubedechtigem reden / welche auch oft von  
denen / so den grund des Glaubens vest halten /  
gebrau-



gebrauchet werden/ Sintemal niemand im re-  
den niemand so fleissig vnd vorsichtig sein kan/  
der nit bisweilen vndeutliche oder zweifelhafft-  
ge wort brauchet.

lii. Es machen auch die Kirchen Gottes et-  
nen vnterscheid zwischen ihren Gliedern vnd  
Burgern/vnd den offentlichen Feinden / Vnd  
decket zu die fehle dere die Busse thun/vnd thun  
die ersten werck.

liij. Derhalben wie ich mich fürchte vor al-  
ler Abgötteren/Gotteslesterung/vnd den Cor-  
ruptelen/so wider den grund streiten / vnd ver-  
damme sie von hertzen. Also nim ich an die Ke-  
gel S. Petri / Beweiset im Glauben tu-  
gend/ vnd in der tugend beschet-  
denheit.

Victo-



# Victorini Strigelij

Erklärung / dieser seiner vorgehender  
Befantnus / vom Freyen wil-  
len / verdeutschet.



**S** In der Lehr vom Freyen Willen / sind fürnemlich zwey ding oder Hauptpuncten zu bedensfen / Als nemlich / Erst die Efficacia / Wirklichkeit / Mache oder Krafft etwas zu wirken. Darnach Modus agēdi, Aptitudo & Capacitas, die gestalt oder weise zu wirken / oder etwas auszurichten / Item die Tüchtigkeit o. er Pfehigkeit.

Modus agendi, die weise ein ding zu thun / vnd Aptitud & Capacitas, die tüchtigkeit vnd pfehigkeit eines dinges / sind so weit voneinander / als der Himel von der Erden. Wann einer fragte einen Schuster / obs ein ding sey / das das Leder tüchtig sey zu den Schuhen oder Strifeln / vnd die weise die Schuh zu machen / würde er gewislich sagen / Bistu toll oder thöricht / das du solch ding fragest / weil auch ein kleins Kind von sibem Jaren weis das ein ander ding ist / die tüchtigkeit eines dinges / vnd die weise etwas daraus zu machen. Widerumb Efficacia & Capacitas, aber die kraft / wirklichkeit / vñ darnach die tüchtigkeit eines dings zu einer that oder thun / als des  
freyen



freyen willens zur bekerung ist ja aller ding eins / Dar-  
rumb so ist das ein köstliche Sophisterey / aus einem ding  
zwey / vnd widerumb aus zweyendingen eins wollen ma-  
chen. Aber also mus man die einfeltigen Christen betrie-  
gen / verwirren vnd bezaubern / das / wann sie nur eine  
Sonne sehen / meinen sie sehen zwei Sonnen / vnd wida-  
rumb trawmen / das der Mon vnd die Sonne nur ein  
ding sey:

Was nu belanget die Vim, Efficaciam, Würcklig-  
keit / krafft oder macht / damit wir bedenden wollen / vñ  
ausrichten was Got lieb ist / vnd vns heilsam / ist gantz-  
lich kein zweifel / das wir sie in dem ersten Fall Aduer  
loren haben / vnd das die widerwertige Impotentia /  
Kranckheit oder Schwachheit sey fort inn allen Mens-  
chen so aus unreinem Samen geboren werden / angeer-  
bet / laut diser Sprüche / Der natürliche Mensch ver-  
nimpt nicht was Gottes ist. Item / fleischlich gesinnet  
sein / ist eine feindschafft wider Gott / sintemal es dem  
Gesetz nit vnterthan ist. Dann es vermag es auch nit /  
wir sein nit tüchtig von vns selbst etwas zgedenden /  
One mich können jr nichts thun.

Es ist nit allein eine Kranckheit oder Schwachheit /  
Sonder auch ein eufferste bosheit in vnserm alten Adam  
Aber also pflegen die Gesellen die Erbsunde geringe zu  
machen / vnd kaum den halben theil dauon anzeigen.

Vnd so einer solche schwachheit vnser verstands /  
willen vñ hertzens / entweder laugnet / oder auch gering  
machtet / der helt nit recht von dem Erbfall oder verder-  
bung / dann es ist nit allein ein mangel der waren weis-  
heit im verstand / vnd der Gerechtigkeit vnd Heiligkeit  
inn dem Willen / sondern auch ein böse neigung / welche  
gebiret zweifel von Gott / vnd von Göttlichen sachen /  
E auch



auch einen trutzigen ungehorsam der Affecten / vnd bewegungen des hertzens / welche da toller weise rennen wider das Gesetz Gottes.

Ja lieber Gesel / nicht allein wer das laugnet / sonder auch wer nicht bekennet / ein eusserste bosheit vnser hertzens vnd gemüts / mit Paulo vnd der H. Schrift. Sie schafft nicht allein ein zweifel / sonder auch vil Gottlose / Ja auch Gotteslerische meinung oder gedanken von Gott / Grobe Irthume / vnd geweliche Abgötterey. Lies der freund / warumb schetzest du die Erbsund so gering?

Es wird aber die obgedacht verlome wirckligkeit mach: oder krafft wider erstattet / nicht durch menschliches vermügen / oder einiger Creatur gewalt / sondern von Gott / durch seinen lieben Son vnsern einigen mitter / vnd den H. Geist / wie diese folgende Sprüche klar bezeugen. Ein Mensch kan im nichts nemen / es werde ihm dann gegeben vom Himel. Niemand kompt zu mir / es sey dann das in der Vater ziehe. Gott ist der da gibt / das wollen vnd volbringen. Lasset vns lauffen durch gedult den kampf / der vns verordnet ist / vnd aufsehen auff Jesum / den anfinger vnd vollender des glaubens. Nicht jr seid die jr redet / sondern der Geist ewers Vaters redet in euch.

Aus disen vn dergleichen Sprüchen ist offenbar / das die Efficacia / vis / potencia / das ist / alle macht vnd krafft / damit wir / was Gott wolgefellig vnd vns heilsam ist bedencken / wollen oder volbringen / nicht stehe inn vnserm vermügen / das da nach dem fall vberbliben sey / sondern es sey eine gabe vnd werck Gottes / welcher vernewert sein bild in denen / so vmb des Sons willen zu gnaden angenommen / Kirche vnd wohnung des H. Geists worden sind.

Das



Das were zimlich zuleiden/ aber bald lehret Er fast  
das widerspil.

Was aber belanget das ander Hauptstück / man  
nenne es gleich Modum agendi / Aptitudinem / Capa-  
citatem das ist / die weise zuwircken / Tüchtigkeit oder  
Pfehigkeit / da ist gewis / das der mensch ein anders ist /  
dann alle andere Creaturen / welche kein vernunfft vnd  
keinen willen haben.

Dann ein Klotz ist je nicht also geschaffen / das er  
Capax / Pfehig sey des Worts vnd der Saeramenten /  
durch welche GOTT in seiner Kirchen kressig ist / Die  
menschen aber sind Capaces / pfehig des Göttlichen be-  
ruffs / vnd fallen nie allein dem wort GOTTES durch den  
h. Geist bey / sondern bewaren auch dise ehrliche beyla-  
ge vnd theuren schatz.

Mercke / was kan doch hie das wörtlin / Capax / Pfeh-  
ig / Ein Klotz ist nit Capax / Pfehig Göttliches worts /  
Aber ein Mensch ist Capax / pfehig desselbigen / anders  
bedeuten / quam vim accipiendi aut percipiendi / dan eben  
eine macht oder krafft / das wort vnd Sacramenta zuem-  
pfahen ? Darumb so ist das eine vnuerschempte Sos-  
phistery / das er droben so einen grossen vnterscheid ge-  
machtet hat / inter vim aut potentiam et Capacitatem /  
zwischen der krafft / macht oder vermügen etwas zuthun  
oder anzunemen / vnd eines dinges pfehig / oder dassel-  
bige zuempfangen tüchtig sein.

Das aber eben die Aptitudo et Capacitas / die tüche-  
rigkeit oder pfehigkeit nit von vns / sondern von Gott  
her sey / vnd das wir solches gutes gantzlich beraubt  
sein vnd mangeln / zeuget klar S. Paulus eben mit dens-  
selbigen worten Victorini / dann er nimpt vns beides die  
Aptitudinem aut idoneitatem, die tüchtigkeit / vnd auch  
die Capacitatem, die Pfehigkeit oder vernemligkeit /

Es

Dann



Denn von dem ersten/ nemlich von der tüchtigkeit/ sagt  
1. Corinth. 3. Mit das wir tüchtig sein etwas zuge-  
dencken/ als vonn vnns selber/ sondern das wir tüchtig  
sein/ ist von Gott/ welcher vns tüchtig gemacht hat.

Da hörestu Ja lieber Christ / das hie die Aptitudo  
aut Idoneitas/ die tüchtigkeit/ lautter vnd rein von vns  
weggenommen/ vnd allein Got gegeben vnd zugeeignet  
wird.

Nun höre auch von dem andern/ nemlich von der  
Capacitate/ Pfehigkeit/ was auch da der H. Geist durch  
denselbigen Apostel für ein vrtheil spricht/ Senn 1. Cor.  
2. sagt er deutlich/ das der natürliche Mensch non pers-  
cipit aut capit (vernimpt nit/ oder es ist nit pfehig / wie  
die gemeine version lauter/ des das Gottes ist/ sondern  
helts für ein lautere torheit.

Da hören wir aber ein klares ausgedrucktes vrt-  
teil vnd gewisses zeugnus des H. Geistes/ das inn dem  
Menschen weder Aptitudo/ Tüchtigkeit / noch Capacita-  
tas/ Pfehigkeit zu Göttlichen sachen/ nach dem fall ges-  
bliben sey / vnd zeigt solches hie die H. Schrift eben  
mit denselbigen worten / die der Synergist gebraucht  
hat/ das man nicht kan mit warheit sagen/ Paulus rede  
von einem andern dinge dann Victorinus.

Hierzu könte man gar vil zeugnus der h. Schrift  
füren/ die da nicht allein alles gutes/ wie auch dasselbige  
nicht immer genennet werden/ dem Menschen abspres-  
chen/ Sondern im auch darzu eine gewliche bosheit zu  
messen/ das er/ was seine Natur belangt/ nur stets Got  
widerstrebe/ hasse vñ anfeinde/ Wie könte nu ein solcher  
gewlicher natürlicher Feind/ vnd widerwertiger Got-  
tes/ freund vnd liebhaber aller Irthumb vnd Ketzereys-  
en / Aptus aut Capax / Tüchtig oder Pfehig sein des  
Reichs Gottes/ oder zum Reich Gottes. Spricht nicht  
Christus dürr vnd klar/ Es sey dann das jemand vonn  
newem geboren werde/ so kan er das Reich Gottes nicht  
erben.



erben? Johan. 3. Ich rede aber von des Menschen tüch-  
tigkeit/nicht von Göttlicher Almechtigkeit/ der da wol-  
kan vnd weis ein Nadel durch ein Nadelöhr durchzu-  
ziehen.

Desgleichen seind auch vnzeliche zeugnus/die da  
alles guts eines Gottseligen Menschen/ es werde ges-  
nennet wie es wolle/ allein Gott dem Herrn zumessen/  
das er allein alles wircke/ vnnnd das wir gantz vnnnd gar  
nichts haben / das wir nit von ihm empfangen hetten/  
Solche zeugnus nemen vns ye alles/ vnnnd schreiben es  
GOTT dem HERRN allein zu / man heisse es nun/  
δύναμις, Vim, Potentiam, Aptitudinem, Capacitatē  
oder was man nur gutes erdencken könne.

Ist nun das nit ein köstliche vnnnd Christliche Dec-  
laration vnd vertrag der Religionstreiten? auch ein  
auffhebung der Irrhumen vnd Ergernussen/die so fein-  
klar wider das liebe helle wort Gottes sichtet vnd wüs-  
set/vnd was sie zuuor guts gesagt hat/bald wider vns  
fehrt vnd nimmet.

Also gar fein können die gwaltigen/Edlen/weis-  
sen/vnd Ehrwürdigen mit dem Reich vñ Religion Jesu  
Christi vmbgehen. Wol ist es zuerachten/wie er wider-  
umb mit ihnen an jenem Tag vmbgehen/ vnd sie freund-  
lich empfangen wird.

Der treflich Meister disputirt vom Trunco oder  
Klotzen/das der nit könne selig werden. O ein schöne  
Trunco Theologia / Wer hat ye gesagt/ dae die Steine  
vnd Klöße selig werden? Merck auch das schöne So-  
phisma / Ein Klotz ist von seiner natur nit tüchtig zum  
Himmelreich / Ergo / schleust sich/ so ist der verderbte  
Mensch tüchtig vnnnd geschickt darzu / es folget fein/  
Man könnte auff dise weise auch mehr beweisen / Nem-  
lich/weil ein Stein nicht kan Gott von gantzem hertzen  
liebhaben/so könne es der Mensch thun/ Oder weil ein  
Stein nicht kan in Himel fliegen / so kan es Victorinus  
thun.



thun. Gott könte auch wol aus den Steinen dem Abrahams Kinder machen/ Ein Mensch hasset vnd widerstrebet Gott / das thut gleichwol ein Klotz oder Stein mit/ darumb so ist er / was die Gotseligkeit belangt/ erger dann ein Klotz oder Stein/ vnd gehöret derhalben auch in das ewige hellische Feuer/da doch andere Creaturen nit hinkommen.

Von diser tüchtigkeit oder pfehigkeit ist ein feiner Vers bey dem Nazianzeno/ Gott hat mich pfehig des guten gemacht/ vnd reicht mir gewalt oder krafft dazu.

Diser Vers ist stracks wider die Declaration/ Dann der Vers nimpt beides dem menschen/ vnd gibt es Gott allein/ das er vns gebe erst den guten willen oder pfehigkeit/ and darnach auch krafft das gute zuuolbringen: Ist aber nit Capax boni/ eine vis/ krafft / accipiendi bonum/ das gut anzunehmen? Warumb beweist aber diser Meister dise seine tüchtigkeit vnd pfehigkeit nicht aus dem klaren wort Gottes/ sondern nur aus den Scribenten/ die es doch mit jme auch nit halten.

Bernhardus spricht auch klar/ Gott ist ein vrsach des heils/ der freye wille ist nur pfehig der seligkeit/ Es kan niemand die seligkeit geben dann allein Gott/ Es kan sie auch niemand empfangen / dann allein der Freye wille. Was nun allein von Gott / vnd allein dem freyen willen gegeben wird/ das kan je so wenig geschehen one verwilligung oder Jawort/ daß der es empfehet/ als one gnad daß der es givet. Item/ heb auff den freyen willen / so wird niemand da sein den man selig mache/ Nim weg die gnade/ so wird der vrsprung der seligkeit weggenommen.

Merck hic abermal/ was da heisse Aptus et Capax/ tüchtig vnd pfehig sein/ nemlich/ wie er Victorinus sich aus dem Bernhardo erklet/ empfangen/ annemen/ ver  
wilt



willigen/ Was ist das anders dann eben der ganz glau  
be/ vnd eine freyfrige wirkung/ die ganze seligkeit zuem  
pfaben? Also mus man vnterscheiden die krafft von der  
tuchtigkeit etwas zuempfaben / den armen einfeltigen  
Christen eine Nafen drehen/ vnd Gott sampt seiner Kir  
chen verspotten.

Wiewol aber der Name des freyen willens vilen  
verhasset ist/ jedoch in disen sprüchen Bernhardi bedeu  
tet er sich s anders/ dann das wesen der vernunfft vnd  
willens/ welchem so nit widerumb vom H. Geist wide  
rumb gegeben wirdt/ die krafft zuglauben/ welche/ laut  
der H. Schrift/ verloren ist/ so kehret sich weder die  
vernunfft/ noch der wille oder das hertz an das wort oder  
Sacramenten.

Oben hat er gesagt/ das der Blotz nit pfebig sey der  
Sacramenten vñ des worts Gottes/ Hie spricht er auch  
der gleichen von dem verderbten menschen/ ehe er wider  
geborn wird/ Darumb sagt er dann sonst/ das der natür  
lich verderbte mensch/ sey von sich selbst rüchtig vnd pfe  
big zur seligkeit/ darmit er dann sich selbst lügenstraffet/  
vnd die armen einfeltigen Christen vnd ware Religion  
mit vnaussprechlichē ergernus verwirret vñ verfinstert.

Darumb so man des menschlichen freyen willens  
nach dem fall bedencket die krafft zuwirken/ so ist er nur  
ein leibeigner knecht/ vnd gefangner des Satans / So  
man aber bedencket seine rüchtigkeit/ so ist es kein stein  
oder klotz sonder zu disem ende von Got geschaffen/ das  
er pfebig sey der himlischen gaben des H. Geists.

Ja er ist wol also im anfang von Gott geschaffen ge  
wesen/ aber also ist er nit gebliben/ sondern ist dermassen  
vom Teuffel in grund verderbt vnd verwandelt worden  
das er nur der Sünden vnd schanden vnd des hellischen  
fews pfebig/ vnd darzu vberaus rüchtig/ geschickt vnd  
bereit sey. Darumb so gehet diser Magister Declaratio  
num mit lauter falsheit/ betrug vñnd Sophisterey omb/  
jetz sagt er ja/ jetz nein/ Gott stewre ihm gewaltiglich.

Victos



Unterschreibung/  
Victorini Strigelij  
dieser seiner Declaration/ Anno  
M. D. Lxij. den vj. Maij.

**I**ch Victorinus Strigelius / be-  
zeuge mit dieser meiner Unterschriefft/ das diese erzes-  
lung oder schriefft stimme mit dem/ das ich beide in sons-  
derheit/ vnd auch vor den Edlen vñ hochlöblichen Can-  
gler vnd Rhäten/ des Durchlauchtigen Hochgeborenen  
Fürsten vnd Herrn/ Herrn Johann Fridrichen/ Hertzog-  
gen zu Sachsen / vnd den Theologen aus seiner f. D.  
Lant versamlet/ geredet habe/ auch mit denen/ das zwis-  
schen mir vnd den Ehrwürdigen Herrn/ den Wirtenber-  
gischen Theologen / gehandelt vñnd geredt worden ist/  
im Meyen/ Anno 1562. Vnd in der Declaration in dieser  
Schriefft verfasset/ beruhe ich bestendiglich.

Wir D. Maximilian Mörlein/ M. Johan Stöf-  
sel/ M. Andreas Miscenus/ M. Johanns Hocnerus/  
vñnd M. Johann Strigel Gothanus/ bezeugen / das die-  
se erklerung sey also verlesen worden/ in beysein der Rā-  
the vñnd Theologen/ welche wir halten/ das sie stimme  
mit der Augspurgischen Confession/ vnd den Confuta-  
tionen vnserer Durchlauchtigen Fürsten vñnd Herren  
zu Sachsen.

Wir vnterschribene Theologen des Durchlaucht-  
igen



Fürsten vnd Herrn / Herrn Christoph / Herzogen zu Wirtenberg / bezeugen / das diese Declaration sey also verlesen worden / in beysein der Fürstlichen Räten vnd Theologen / welche wir halten / das sie stimme mit dem Wort Gottes / mit der Augspurgischen Confession / mit den Schmalkaldischen Artickeln / mit der Confutation der Herzogen von Sachsen / vnd mit der gedruckten Bekantnus vnd Apologia des Durchlauchtigen Herzogen von Wirttemberg.

## Folget die andere Handlung mit Victorino / von den oberigen dreyen streitigen Artickeln / Nemblich von der Definition des Euangelij / von der Maioristerey vnd Adiaphoristerey.

**W**eil der mensch on alle not angefangen hatte die warheit vnd Fürstliche Confutationes zustürmen vnd anzufechten / das die Definitio des Euangelij recht vnd proprie sey / ic. Weil auch die gewaltigen verheissen haben / vñ den mitlern solchs vnter die hende gegeben / Warumb haben sie nit angehalten / das die sache recht ausgefüret were? Sondern das man es nur mit einer Amnistia vnd stillschweigen vberstrichen hat.

Was dann die andern drey Artickel De Definitio-  
ne Euangelij, De Propositione, Bona opera sunt necessa-  
ri ad salutem vnd De Adiaphoris belanget / seiner Confession De libero Arbitrio angehenges / ist vñ ermelter  
Herr Victorinus von den Wirttembergischen Theologen  
zum andern mal vmb erklerung angerede worden / Dar-  
auff



rauff er sich vernemen lassen / Wiewol eine vertröstung  
geschehen / das er dismals diser Puncten halben mit an  
gesprochen / sondern allein bey der vnterrede de libero ar  
bitrio bleiben solee / Jedoch auff ihrer der Wirtenbergi  
schen freundlich begeren / sey er auch vnbeschweret / kürz  
lich hierinne sich zuertleren / Er hat sich demnach beyde  
mal einer gleichen vñ beständigen meinung hören lassen

Erstlich / De definitione Euangelij & Poenitentia,  
das er beide streit anders nit / Dann für eine λογμαχία  
oder wortgezenc hielte.

Nun saget Er / es sey der streit mit der Definition ein  
wortgezenc / damit er dann sich selbst auffo hefftigst ver  
dammet / Dann warumb hat er solch wortgezenc erze  
get wider die fürstliche Confutationes / Warumb hat er  
mir vor den fürsten vnd Khäten vorgeworffen / vñ mich  
auffo hefftigst mündlich verklagt / das ich mit solcher er  
klerung der Definition principia totius Theologie auffo  
hebe / die fürnemsten gründe der waren Religion verfels  
che / Item / das ich damit von der Augspurgischen Con  
fession abfalle.

Dann so man das wort Euangelium Generaliter  
versteht / were es für das ganz Ministerium gebraucht /  
darinnen beide Buß vnd vergebung der Sünden gepres  
dige wird / So man es aber propriissime / das ist / inn sei  
nem eigentlichen verstande gebrauche / heisse vñnd seye  
nichts anders dann die gnadenreiche Predigt vnd ver  
heißung von vergebung der Sünden / durch den Glau  
ben / allein vmb des Mitlers Christi willen.

Gleicher gestalt wolle er auch nit von dem worts  
lin Poenitentia oder Buß zanken / Dann eins mals  
werde es inn der Schrift genomen vnd verstanden pro  
com



contritione / das ist / vor die reue vnd erkantnus der sün-  
den / wie geschriben stehet / Thun Buß / vnd glaubet dem  
Euangelio. Das ander mal pro tota conversione homi-  
nis / das ist / vor die ganze bekehrung des Menschen / wie  
geschriben stehet / Dico vobis, nisi, poenitentiam egeritis,  
simul omnes peribitis.

Derhalben so offte die diener der Kirchen das wort  
Poenitentia oder Buß / wol vnd eigentlich vnterschei-  
den / vnd seinen rechten verstand / wie es jederzeit zuges-  
brauchen / erklären / sol auch nie bald Irthumb oder miß-  
verstand deßhalben in den Kirchen oder Schulen ents-  
stehen.

Vu vnterscheidet er dise bedeutung des worts / Buß /  
zuuor aber hat er auff's hefftigest gestritten / das solches  
wort in der Definition bedeute / Reue / Glaube / vnd den  
newen gehorsam. Aber jm ist es alles frey / wir aber ar-  
me Bekehrer der warheit Christi / müssen das liebe Creutz  
tragen.

Was dann die Proposition / Bona opera sunt ne-  
cessaria ad salutem, betrifft / wolle er sich keins frembden  
handels annemen / sie gehe in nit an / habe nichts damit  
zuthun / so hab er sie sonst auch weder in der Schul  
noch jemals gebrauchet / lasse sie in ihrem werd oder vn-  
werd beruhen / Er hab aber je vnd alwege / so lang ihm  
das Lehrampt befohlen / seine zuhörer aus Gottes wort  
trewlich gelehret / das wir durch die gute werck die Sel-  
ligkeit nit erlangen / noch verdienen können / dan Chri-  
stus der Herz allein habe vns mit seinem allerheiligsten  
vnd vollkommenen leiden vnd sterben / beides die gerecht-  
keit die vor Gott gilt / das ist / vergebung der Sünden /  
vnd auch ewige seligkeit verdient vnd zuwegen bracht /  
Bittet derhalben / weil er sich inn dem zuuor vnd hiernit  
Christlich erkläret / man wolle in dißfals nit weiter drin-  
gen.

S ij

Wie



Wie da? Gehen dich die Wolffe vnd Irthume/so da  
schaden thun in der Kirchen Gottes/nichts an? Bistu  
dann ein stummer Hund vnnnd blinder wächter inn der  
Kirchen Gottes? Gehen sie dich aber je nit an/Warumb  
hastu sie dan zuuor im Weimarischen vnd Isnachischen  
Synodo/vnd im Colloquio zu Worms verdammet? Item  
Warumb hastu sie widerumb wider die Fürstliche Cons  
futations vertheidiget/vnd damit so vil gewulche Ers  
gernus vnd lermen angerichtet?

Desgleichen auch von den Adiaphoris / bittet Er  
auch vntertheniglig/so vil die Personal Condemnation  
belanget/das man seines gewissens hierinn verschonen  
wolle/Dann habe einer oder mehr zu der zeit des Inter  
ims den Feinden Gottes worts vil oder wenig nachge  
geben/das wolle Er sie beides vor den Menschen/vnnnd  
dem Gerichte Gottes verantworten lassen / Außerhalb  
aber den Personen von den Adtaphoris zureden/hab Er  
auch vor der zeit seines erachtens sich gnugsam erkleret/  
im fall man je nit darmit zufrieden sein wolte/erbeut Er  
sich jederzeit ferner vnd gnugsam berichte zuthun.

Nu sondert er sich ab von den Adiaphoristen/Was  
rumb hat er sie zuuor wider die Fürstlich Confutations  
verteidigt? Er sagt/er wisse nit ob sie den Papisten etts  
was nachgegeben haben/Warumb hat er sie dan zuuor  
im Weimarischen Synodo/vnnnd Colloquio zu Wormbs  
verdammet? Er wil sie in Gottes gericht befohlen ha  
ben/Sol dann nit ein trewer Lehrer mit allem ernst wi  
der allerley Irthumb vnd verführer fechten vnd streiten/  
oder sie nur Gott befehlen?

Diese hieroben nach der leng erzelte/ Christliche/  
brüderliche vnnnd freundliche Tractation/ vnterredung  
vnd verglichung/ ist/ vermittelst gnediger Göttlicher  
hülff



hülff vnd verleihung / zwischen den obermelten Herren  
Theologen / alhie zu Weimar den zehenden Maij Anno /  
1562. gepflogen / auch endlich beschlossen worden / Des  
sen allen zu warer erkund / haben sich offtegedachte Her  
ren / auff hernachfolgende maß in GOTTes forcht vnd  
Christlicher andacht vnterscriben.

Die vnterschrifte stehen voran:

**N**ach diesem köstlichen vnd künstli  
chen handel oder vertrag ist geschehen / wie es dan  
pfeget / wann man eine Wunde oben hin zuhellet / das  
es erger worden ist dann je zuvor / Dann erstlich ist der  
Verführer wider in sein Lehrampt in die hohe Schul / ge  
leich als ein geistlicher reißender Wolf eingefüret / auff  
das er hinfore an wie zuvor die Herde des Herrn zerreiße  
vnd vergifftete.

Zum andern / so hat er eben dasselbige Buch an  
gefangen zu lesen / mit welchem er zuvor inn diesem Art  
ckel die jugend hat verführet / Nemlich die Locos Philip  
pi / in welchem stehet dise Papistische / ja recht Pelagia  
nische beschreibung des freyen willens / Nemlich / das  
der freye wille sey eine macht oder krafft / sich zur gnade  
zu appliciren / oder dieselbige anzunehmen.

Zum dritten / so lest man ihm zu / das er offentlich  
Declamire / ja auch in druck ausgehen lasse solche sch  
rifften / da er sich arcklich rühmet / Er hab so vil vmb der  
warheit willen gelitten / ja er were ein rechter Bekenner  
vnd Märterer / mit anders / als die drey Goteseligen kna  
ben / Sydroch / Mesech / vnd Abednego / so in den sewri  
gen



gen Ofen geworffen / vnd darinn erhalten / daraus auch  
wunderlich wider von GOTT erlöset worden seind / vnd  
das er desgleichen sehr vil schriftlich vnd mündlich /  
offentlich vnd heimlich ausbreitet / dadurch dann / wil  
geschweigen das damit den gewaltigen grewliche Ty-  
ranney fürgerworffen wird / die einfaltige vnuerstendige  
Jugend jemerlich verführet wird / das sie hernach in der  
Lehre auch andere verführen.

Zum vierdten hat sich der leidige Satan an dem  
mit ersetzigen lassen / sondern weiter einen weg erdacht /  
wie er alle Kirchen in dem gantzen Land plage vnd ver-  
wüste / Nemlich / dadurch das jederman / sonderlich die  
Prediger solche Strigeliansche / ungewisse vnd widers-  
wertige Declaration sollen vn̄ müssen willigē / loben vn̄  
vnterschreiben / als were sie Christlich.

Dadurch nun die verstendigsten vnd bestenbige  
Prediger verjaget worden sein / die andere entweder / auff  
das sie irer guten Pfarz nit beraubt / noch inno elend mit  
Weib vnd Kind verjaget wurden / oder auch aus vnuer-  
stand / zum meisten teil mit bösem gewissen / vnterscri-  
ben haben.

Auff das aber solches der Satan desto füglich  
ausrichten könnte / so hat er den Meistern oder Bezeln so  
vil erklerung oder Glossen vnd deuteleyen eingeben / da-  
mit sie die einfeltigen behoren vnd betriegen / das sie  
schier hundert mal widerwertige ding reden / vnd sich  
selbst lügenstraffen / wie ihnen solches klar M. Rosinus  
Weimarischer Superintendentens / Wolffina / Magdebur-  
gius / Jonas / Großher / vnd andere Gottesgelerte Diener  
Christi / vnter die augen bewisen haben.

So breitet Victorinus auch selbst widerumb auff  
new / andere Declarationes vber die vorige / darinnen er  
beide seine Synergiam oder mitwirkung des freyen wil-  
lens



lene verheißiget / vnd auch wider sich selbst redet / Denn  
also schreibt er inn einer neuen Declaration / nach dem  
vertrag geschriben. Consentire autem vocatione Dei, vel  
ab ea dissentire præcipue voluntatis est. Quæ res non solum  
non infirmat quod dictum est. Quod habes, quod non ac-  
cepisti? Verum etiam confirmat. Accipete quippe & habere  
anima non potest dona, de quibus hoc audit, nisi consentien-  
do, at per hoc quod habeat & quid accipiat Dei. Accipere  
autem & habere vtiq; accipientis est, & habentis. Ne autem  
in ipsa appellatione liberi Arbitrij aliquid obscuritatis aut  
ambiguitatis relinquatur, hanc definitionem nominis ex  
eodem Augustino repeto. Liberum arbitrium est liberum  
voluntatis iudicium, de eo quod velis & nolis. Liberum au-  
tem dicitur, quia non est necessarium. Nam si necessitas aut  
coactio posset afferri, voluntas humana non esset voluntas.  
Significat igitur hæc appellatio ipsam substanti-  
am intellectus & voluntatis coniunctam cum proprietate  
seu modo agendi.

Da hörn wir klar / das er consentire diuine promissioni  
eamque accipere / der verheißung Gottes beysallen / vnd sie an-  
nemen / das ist / glauben dem menschlichen willen zumisset. Als  
so ist der glaub nit ein pur lauter gab Gottes / sonder der freie  
wille ist facultas applicandi sese ad gratiam / eine krafft die an-  
geborene gnad anzunemen.

Das ist aber eine grobe Contradictio / das er defi-  
nirt vnd beschreibet / das der freye wille sey Liberum iu-  
dicium voluntatis de eo, quod velis aut nolis, weichs eige-  
nelich eine actio ist / vnd bald darauff saget / Significat  
igitur hæc appellatio ipsam substantiam intellectus & vo-  
luntatis. Ist dann (O du grosser Dialectice vnd Philoso-  
phe. darauff du dich allein verlest vnd pochest) Actio vñ  
Substantia ein ding? Ist intellectus & voluntas cum suo  
libero iudicio ein ding? O spiritum vertiginis, non attende-  
tis, neq; quid, neq; de quo aliquid dicat.



**Dergleichen Synergia folget auch gar bald da-  
selbst in seiner neuen Declaration.** Et quoniam de  
particula, Pure passive, magna est inter Doctores conten-  
tio & disceptatio, meam sententiam ita recitabo, vt sperem,  
me omnibus doctrinā Ecclesiæ intelligentibus satisfacturū.

Necesse est, vt à Spiritu S. mens illuminetur, & volun-  
tas corroboretur, quod cum fit, mens assentitur verbis &  
promissionibus Dei, & ex tali assensu seu fide sequitur iusti-  
ficatio per misericordiam Dei propter Christum. Ad hunc  
assensum mens actiue se habet, Ipsi enim sumus qui volu-  
mus & consentimus, dum credimus ijs, quæ proponuntur  
&c. Hanc efficaciam Spiritus S. dico inclinare mentes &  
corda nostra, vt verbum Dei & promissiones amplectatur.

**Da hören wir/ das das Liberū arbitrium sese acti-  
ue habeat, assentiatur & amplectatur promissiones, Das  
der freye wille den Verheissungen beyfalle oder glaube/  
vnd sie anneme/ Der H. Geist aber tantum corroboret &  
inclinat, stercke vnd neige des Menschen willen. Die H.  
Schrifte saget/ das der H. Geist ganz vnd gar gebe den  
guten willen/ Vnnd dargegen wegneme vnsern bösen  
willen/ nicht das er in allein stercke vnd neige. Gott er-  
barme sich vber seine arme Kirche/ vnd stercke disem  
Gottlosen Sophisten vnd abentherischen verführer.**

**Summa/ es gehet jetze nit anders da/ dann als  
wann vnser Herz Gott vber ein Land vnd volck grim-  
miglich erzürnet/ nimpt seinen zaun oder schutz hinweg/  
vnd leß hinein die wilden Sew/ wie Esaias 6. vnnnd der  
Psalm/ auch Job sagen/ anff das sie die ware Religion  
vnd Kirchen gewolich verwüsten/ vnd die Gewissen ver-  
wirren vnnnd betrüben/ Ja alles verderben/ wie jetzo die  
vndhris**



vnchristianische Sawschwein thun. Die ware reine  
Religion ist in ihenes Fürstenthumb durch den Bruch  
kommen / durch den Bruch gehet sie auch wider weg. *D. Brück*

Man kehret jetzt fast alles umb / was man in der  
nechsten Visitation / so gar nerolich recht vnd Christlich  
verordnet / versiglet vnd verbriefet hat. Als zum Ex-  
empel / Jetzt setzt man die verführer vnd Corruptelste  
in die höchste vnd ehrlichste Empter / vnd wil gleichwol  
mit irer meinung sein / Aber inn der vorigen Ordination  
vnd Visitation / hat man sie nicht wollen im Lande lei-  
den / vnd wann sie sich gleich bekehren vnd widerzuffen /  
Dann dis ernstlich gebot vnd Regel haben sie inn der  
Visitation ordnung gesetzt / wie folget.

Burden aber Pfarther / Prediger / oder  
Diacon befunden / die einen Irthumb im Glau-  
ben / es were des hochwirdiaen Sacraments  
des Leibs vnd Bluts Jesu Christi / der heiligen  
Tauff / Interims / Adiaphorischer / Osianders /  
Widertaufferisch / Schwengkfeldischen / vnd  
Maiorischen vnd verfürischen Secten / oder  
anderer Kezeren / vnd falscher lehre halben /  
oder sonst an vnser Christlichen Religion vñ  
Augspurgischen Confession / zweiffel oder eckel-  
heten / denen sollen unsere Visitatores als bald  
sagen / sich forderlich aus vnsern Landen zuwen-  
den / mit der verwarung / so sie darneben betret-  
ten wurden / das sie mit ernst solten gestraffe  
wer-

G

wer-



werden/ vnd da sich gleich einer oder mehr dar-  
von abzustehn erbieten würdē/ so sollen sie doch  
im Kirchenampt nit gelassen werden / sintemal  
die erfahrung gibt/ das sie von solchem Giffte nit  
lassen.

Derwegen wie fein Christlich vnd gemes / das  
man den vorigen handel jetze handelt / ist auch aus dem  
allein zumercken / das / so sehr man zuvor allen verfels-  
chern vnd Corruptelisten zuwider gewesen ist / vnd sie  
nirgend hat im dienst leiden wollen / also freundt ist man  
inen jetze / vnd dagegen die trewe vnd ware Lehrer Chris-  
sti hasset man.

Vns Theologen zu Jhena hat man ausdruecklich  
darumb darzu vnd darauff gefordert / das wir sollen als  
da alle Irthumb vnd Corruptelen straffen / vnd die rei-  
ne Lehre Christi nach der Augspurgischen Confession /  
Apologia / vnd Schmalkaldischen Artickeln ausbreiten /  
wie wirs dann auch trewlich / nach vnsern geringen gas-  
ben gethan / wie solches auch die Fürstliche Confutatio-  
nes klar ausweisen / welche nit allein durch die vornem-  
ste Prediger vnd Superintendenten beratschlagt / vber-  
sehen vnd emendirt / vnd hernach durch ernstliche Für-  
stliche Mandata bekräftigt / in druck gegeben / öffent-  
lich in der Kirchen zuwerlesen von der Obrigkeit gebot-  
ten / sondern auch dermassen hernacher / wider Victoris-  
num / Hugelium / vnd ire mitverfurer aus Gottes wort /  
gewaltiglich verantwort vnd verteidiget / das sie haben  
bekennen müssen / Sie können sie nit aus der h. Schrift  
straffen / sondern allein aus der Philosophia der blinden  
Heiden.

Bald



Bald aber vnd in einem Zuy / da man nicht wolt  
nachgeben / das die weltweisen vnd gewaltigē die Sch-  
lüssel Christi nach ihrem gefallen regireten / verenderte  
sich das Apul Wetter / vnd vnser streit vnd Confutatio-  
nes wider die Corruptelen / mussten sein ein Ehrgeitz / eine  
vermesseneheit / ein Papstumb / gleich als wir allein die  
warheit wüßtetē / ein vrsach aller vnru / wie auch Hes-  
lias / vnd nur ein schelten vnd schmehen / Also pflegt die  
Welt mit Christo / seinem wort / Kirchen / vnd  
Lehrern zuspilen. Gott steyre vnd wehre jr  
gewaltiglich / vmb seines lieben Sons  
willen / Amen.

G ij

Des



Des Herrn Nicolai  
Ambsdorffij vrtail / vber die Schrifft  
D. Petri Brem / Fürstlichen rhat zu Sach-  
ßen / von der Strigelianischen  
Declaration.

**S** Ein geliebter Bruder in Chrt-  
sto / ich hab ewer Confessiones  
beide gelesen / vnd gefallen mir  
wol / vnd weis nichts daru / ne  
zu straffen / allein das ir zu weit  
leufftig daruon redet / vnd gebet  
gebet ihn damit nur wort inns  
Maul / das sie desto mehr speyen / sprüen / vnd  
wider vns schreiben können / Die warheit darff  
mit vil wort / die weil Victorinus in Secunda parte  
sua Declarationis Modum agendi & Capacitatem, actiue  
verstehet / so ist Er wider sich selbst / vnd streitet  
Contradictorie, das ander teil wider das erste / vñ  
seine Declaration nichts anders ist / dann ein  
repugnantio in adiecto, eben als ich sprech / Der  
Mensch kan nichts thun ad sui conuersionem, Der  
Mensch kan etwas darzu thun / Dann was er  
dem Freyen willen im ersten teil nimpt / das gibt  
er Ihm im andern theil / Est plane contradictio &  
praterca



præterea nihil sua declaratio, Prima declarationis pars est vera, non enim sunt falla, quæ ibi dicit, sed non est sufficiens quia non solum potentia & efficacia est corrupta & depravata, sed tota natura & substantia hominis. Sed recte fecisti quod hunc dolum ei indicasti, ego stultus & simplex non putassem quod in tali & tanta causa insidijs & dolis nobiscum egisset. His bene vale, & sis fortis & viriliter age. Dominus confortet cor tuum, & expecta Dominum, & mirabilia faciet dextera eius. Ego letor exulto in Rosine & Psalmum dicam Domino, quod illum nobis restituit, vivat & cõseruet cum Dominus ad gloriam nominis sui saluta cum nomine meo salutatione Christi. 7. die Augusti 1562.

## Sendbrief.

Herrn Nicolai Ambsdorffs von der  
Unschuld vnd reiner Ver M. Fl. Ill.

**W**ein lieber Antonius Orho / Ich höre das etliche  
Prediger bey euch den Illyricum vnd seine Worte  
auff der Canzel greulich schmehen vnd lestern /  
vnd das arme volck ja den h. Geist in seinen Christen  
betrüben / verwirren vnd irre machen / Vnd doch nicht  
anzeigen sollen / wie sie dann auch nie können / warinne  
Illyricus irre vnd vnrecht lehre oder schreibe. oder inn  
welchem artickele vnsero Christlichen Glaubens / Er die  
leut beeriege / Damit nit allein Illyrici Person / sondern  
die reine Chustliche lehre so Er in seinen Schrifften le-  
ret vnd bekennet / gelestert vñ geschmecht wirt / weiches  
der Teuffel durch seine Schupen die Bauchknechte vñ  
feinde des Creuzes Christi / allen halben jezund thut /



vnd sich damit die reine Lehre des Euangelij vnterzu-  
drucken/ vnd die Adiaphoristerey zuschützen vnd zuuer-  
eidigen/ vnterstehet.

Dann Illyricus ist von Fürsten nit umb der lehre  
willen geurlaubet / wie die gedruckte schand vnd lester-  
zetel öffentlich leuget / Dann sie die Fürsten geben ihm  
zeugnus/ das er in der Lehre rein sey/ wie dann solches  
seine Schrifften öffentlich bezeugen vnd beweisen.

Derhalben ist mein freundlich bitt/ ihr wöllet den  
fromen Chrusten/ so die reine Lehre lieb haben/ vnd imm  
Rat sind/ vnd ein ansehen haben/ von meinet wegen an-  
zeigen / Dann disen Brieff wil ich inen auch geschriben  
haben/ das sie dran sein wolten/ das ein erbar Rath von  
denselbigen Predigcanten fordern wolt/ die vrsach/ wa-  
rumb sie Illyricum so öffentlich / als einen Ketzer aus-  
schreyen vnd verdammen/ Vnd wo sie dann solches nit  
werden anzeigen / wie sie dann nicht thun können/ das  
weis ich fürwar/ das sie inen wolten das maul stopffen/  
vnd solch lestern vnd schelten verbieten/ auff das der ar-  
me gemeine Man bey euch/ nit so jemerlich geergert/ bes-  
trübt vnd verwirret werde.

Dann solch lestern vnd schelten/ sonderlich die-  
weil es erlogen ist/ bessert niemand/ Non ædificat, sed de-  
struit Ecclesiam, Darumb ist hoch vonn nöten/ das es  
nachbleibe vnd abgeschaffet werde / wollen sie anders  
Gottes ehre suchen/ vnd den armen leuten rathen vnd  
helffen/ Dann was hilffes dem Volck/ das man Illyri-  
cum schilt vnd lestert/ vnd doch kein Irumb noch Kes-  
zerey/ damit er beladen/ anzeiget? Dann es wird das  
durch nit allein der Nächste mit vnrecht / sondern auch  
die reine Lehre/ das ist/ Gott selbst geschmecht vnd ge-  
lestert.



Dann wenn sie einigen Irthumb oder Ketzerey auff in bringen oder beweisen können/ so wil ich in selbs helfen verdammen/ Dann solches schreibe ich nit allein umb seiner Person willen/ sondern umb der reinen lehre willen/ welche er wider die SchandAdiaphoristen vnnnd Erzheuchler erhaltē hat/ welchs niemand leugnen kan.

Vnnnd schreibet mir wie der Predigcant heisset/ vnd in welcher Kirche er Prediger oder Pfarherr ist/ so wil ich in also angreifen/ durch den Geist vnd die gnad so mir gegeben ist / das jederman spüren sol/ das der leidige Teuffel aus ihm rede vnnnd spüre/ Christum vnd sein wort vnterzudruckē.

Hiemit seid Got befohlen/ seid getrost vnd starck denn der inn vns/ grösser vnd stercker / denn der in der Welt ist/ durch welchen wir den Sathan mit seinen Adiaphoristen mit füssen treten wollen/ Das er vnns aber in die fersen beisset/ das müssen wir gewarten vnnnd leiden. Hiemit sey die sache Gott befohlen/ vnnnd vnserm lieben Herrn Jesu Christo/ der helffe seinem heuslin umb seines bitteren leiden vnd sterbens willen/ Amen/ Datum Isenach Dominica Inuocavit/ 1562.

Niclas von Ambsdorff.



Faint, illegible text at the top of the page, possibly bleed-through from the reverse side.

Second block of faint, illegible text in the upper middle section.

Third block of faint, illegible text in the lower middle section.

Fourth block of faint, illegible text near the bottom of the page.









Vg 1572. Gf

M'





ULB Halle

3

004 762 215









III 857

# Erzelung.

## Wie der Hochwichtig

vnd langwirige Religionstreit / Vi-  
torini in Thüringen / endlich geschli-  
chtet worden sey / durch die Nitler beschriben /  
Allen liebhabern der Warheit / sehr  
nützlich zulesen.

Jetzt vonn newem mit fleis Corri-  
girt / vnd an vilen orten gemehrt  
vnd gebessert.

### Matth. 5.

Wer rede sey JA ja / NEIN neyn / Also rhümet  
sich auch Paulus / das seine rede vnd lehre sey JA ja /  
neyn neyn gewesen. Wann man noch so klar von der lehr  
vnd streiten redet / so verstehet doch der gemeine Man  
schwerlich etwas wenig daruon. Derwegen so sind das  
rechte Heber / Nemer / wie sie S. Luther nennet / ja auch  
ware Gottes verachter / vnd vnzelicher ergernussen stiffe-  
ter / die also in den Religionstreiten vnd handlungen res-  
den oder schreiben / das kein flares / gewisses / vnd bes-  
stendiges JA oder NEIN / darinnen zubefinden ist.

Gott steyre vnd wehre Ihnen gewaltiglich /  
vmb seines lieben Sons willen /  
AMEN.

1 5 6 30

